



06204

禮經  
會元  
共四冊

寄贈

禮經  
會元



禮經會元目錄

卷之一

禮經

兼官

都則

賦斂

正朔

官敘

朝儀

卷之二

官衛

耕藉

藏冰

錢幣

教化

荒政

選舉

卷之三

齒德

諫官

和難

注疏

相權

馭臣

式灋

象灋

官屬

禮經會元目錄

膳羞

同姓

鹽政

內政

王畿

鄉遂

附圖

民極

邦典

馭民

侯貢

考課

官聯

燕禮

醫官

財計

門制

封建

軍賦

官名

官灋

任民

繫民

官刑

官成

饋食

酒政

內帑

奄官

井田

役灋

社稷

遷邑

教冑

昏禮

市治

水利

制祿

禮命

冕服

詩樂

卷之四

卜筮

名諱

兵政

馬政

久任

詛盟

補亡

重農

祭祀

瑞節

學校

史官

天文

將權

火禁

圖籍

鳥獸

禮經會元目錄

山澤

郊廟

禮樂

祭樂

明堂

分星

師田

險固

地理

遣使

園遊

賓禮

天府

樂舞

繫世

車旗

賞功

射儀

刑罰

藩鎮

刊九  
畿圖

禮經會元卷之一

宋論  
文康葉

時著



禮經

知有聖人之治法當知有聖人之道法離道于法非深於周禮者也欲觀周禮必先觀中庸夫禮儀三百經禮也說者謂周禮是也威儀三千曲禮也說者謂儀禮是也有周公則周禮作有成王則周禮用制而用之存乎法推而用之存乎人昔周公相成王兼三王之事監二代之文夜以繼日坐以待旦事爲之制曲爲之防紀綱制度纖悉必備於是乎周禮作焉君臣同德相與圖回以立政無逸之規模而植立鳧鷖既醉之事業以蓼蕭行葦之恩意而講

禮經會元卷一

禮經

明洛誥周官之典刑精神心術亶亶忘倦於是乎周禮用焉井牧始於黃而九夫經野之制備弼服昉於堯而九畿分國之制詳典刑俶於舜而五刑麗民之制具施諸今而不悖稽諸古而益彰此三者道之所以行也然此猶其大者又次如冠昏喪祭之文又其次如服食器用之度無不竭吾心思而經畫之微而至於羽毛鱗介之形又微而至於廬狸鼯鼯之類而必爲之區處各當而後已是禮也舉本而不遺末語精而不遺粗周公以之相七年之治成王以之致四十年之平周家以之承八百年之命卽此一書可以發育萬物峻極於天非徒爲三百禮文而已此周公之道所以爲周公之治與

注疏

周官之出自劉德始累周禮者亦自劉德始周禮之立自劉歆始  
誣周禮者亦自劉歆始周禮之傳自鄭康成始壞周禮者亦自鄭  
康成始昔秦人滅學周禮以藏之山巖屋壁而獲存武帝時有李  
氏得之以上河間獻王德全書不得見得見五官斯可矣河間獻  
王乃以考工記補之司空一職豈考工記之事耶觀其言曰國有  
六職百工與居一焉是以治教刑政之屬特與工匠器械等耳卽  
此一語可謂不識周禮矣異時秦入秘府周禮雖存而漢君詆之  
以爲末世瀆亂之書得非劉德一記累之耶故曰累周禮者劉德  
也周禮一書旣不得行於武帝之世至成帝時有劉歆者獨識其

禮經會元卷一 注疏

二

書爲周公致太平之迹亦云幸矣奈何身爲國師取之以輔王莽  
乃爲泉府理財之說於是六幹立法列郡皆置市官卽此一說可  
謂不知周禮矣當時奏入學宮周禮雖存漢儒嘗之以爲六國陰  
謀之書得非劉歆一法誣之乎故曰誣周禮者劉歆也雖然累周  
禮者其罪小誣周禮者其罪大誣周禮者其法在壞周禮者其法  
亡何則劉德補亡善學周禮者皆知其爲不類劉歆立法善周  
禮者皆知其爲不經禮經之學所賴以相傳者諸儒講明之功也  
今杜子春得之於劉歆鄭興鄭眾得之於杜子春鄭康成號爲囊  
括六典網羅眾家蓋亦知所折衷矣胡爲不抱遺經推究終始而  
乃憑私臆淺翫据曲證此周禮所以不明而召後儒紛紜之議也

大抵康成說經有五失一引緯書二引司馬法三引春秋傳四引左氏國語五引漢儒禮記姑摭一二言之周禮無天帝之異名而注有北辰耀魄寶之說後儒是以有天帝之辨此緯書之失也周禮無分野之明文而注有歲之所在我周分野之說後儒是以有分野之惑此國語之失也邛乘之政在周禮可推也鄭則曰甸出長轂一乘邛乘當爲邛甸則邛乘之法壞矣此司馬法誤之也冕服之章在周禮可覆也鄭則曰三辰旂旗王服止爲九章則服章之制紊矣此以春秋傳誤之也內司服以韋衣爲后飾追師以副編爲后飾而注曰夫人副禕則王后夫人之飾又亂矣此又以禮記誤之也不思漢儒緯書非聖人之書穰苴兵法非聖人之法左

禮經會元卷一 注疏

三

氏之語多誣戴氏之記多雜其可引援以證聖經耶不特此爾以御史中丞比小宰以城門校尉比司門以少內警職內以尙書準司會以尙書作誥文類御史官制已大戾矣以漢算方九賦以莽制比國服以國服爲息加師旅以殷周變制議封建以鄉遂異制誣井田以貢助異法釋畿內邦國之稅此皆害周禮之大者也自康成之注旣行而賈公彥一疏一惟鄭注之是解周禮制度合與不合不暇究矣儒者公蠶注疏之文考之於經而不合遂指周禮爲非周公之全書是敢於叛聖人之經而不敢違漢儒之說也吁劉歆之誣周禮一時之失而周禮之法尙在鄭康成之壞周禮千載之惑而周禮之法幾亡然而法未嘗亡禮未嘗壞讀周公之禮

而行周公之法亦惟以聖經爲據斯可也

### 民極

周禮敘六官首篇皆曰惟王建國辨方正位體國經野設官分職以爲民極夫極之爲言有中之義聖人以中道立標準於天下而使天下之人取中焉武王訪洪範于箕子以敘彝倫而以皇極居中古今未有舍皇極而能立國者今以周禮考之土圭測景以求地中建國也面朝後市左祖右社辨方也朝分內外位別東西正位也公五百里至男百里體國也九夫爲井至四縣爲都經野也一曰天官至六曰冬官設官也一曰治職至六曰事職分職也而周公則總之以爲民極焉 蓋王畿立而後根本定方位設而後

禮經會元卷一

民極

四

等級明國野分而後疆理正官職舉而後綱目張民極之立孰有大於此者 極之所在所以習民於尊卑等級之中而導民於禮樂教化之內消其亡等冒上之念而斂其安分知足之心斯民入則會其有極出則歸其有極經制烏乎而不定風俗烏乎而不純嘗觀大司徒以五禮防萬民之僞而教之中以六樂防萬民之情而教之和又曰以刑教中則民不暴以樂教和則民不爭至大宗伯亦曰以天產作陰德以中禮防之以地產作陽德以和樂防之一則曰中和二則曰中和皆所以建中和之極也然而王畿之根本未定方位之等級未明國野之疆理未正官職之綱目未張雖有禮樂刑政之具將安所設施耶周公立極之意必寓於七者之

中而冠於六篇之首豈不誠哉深乎先正范公有言曰曲禮三千一言以蔽之曰毋不敬余竊曰經禮三百一言以蔽之曰爲民極

官名

此篇釋以天地四時爲官名之意

古人命官或紀以瑞或紀以事名雖不同而於天地四時各有所配初非分掌天地四時也有如少皞有重該脩熙四叔是以四叔而掌五行堯有羲和仲叔四子是以四子而掌四時又非是以名官也今觀周禮冢宰曰天官司徒曰地官宗伯曰春官司馬曰夏官司寇曰秋官司空曰冬官是以天地四時名官而非分掌其事也夫旣非分掌天地四時而加以天地四時之號是則以虛名而加實職也又況以天名官而春官保民之屬非天事乎何以不屬

禮經會元卷一 官名

五

冢宰以地名官而夏官職方氏之屬非地之事乎何以不屬司徒司寇刑殺固爲之秋司空水土固爲之冬至如春朝夏宗秋覲冬遇並屬宗伯則宗伯不特主春蒐夏苗秋獮冬狩並屬司馬則司馬不特主夏 雖然分天地四時而冠六卿之名其次序若不相紊合天地四時而爲六卿之責其脈絡未嘗不相通一治一教一刑一事苟有一之不得其職皆足以干天地四時之和以此見周人之任六卿也爲不殊而待六卿也不敢輕矣 六卿分配天地四時而冢宰以天名官則其任責爲尤重嘗觀虞書司徒敷典猶地官也而典則曰天敘秩宗典禮猶春官也而禮則曰天秩五服五章猶司服典命之職也而曰天命有德五刑五用猶司寇司

刑之職也而曰天討有罪一則曰亮天功二則曰代天工同寅協恭無往而不以天自處今冢宰建邦之六典何者而非天也以天官命冢宰而加於五官之上其待大臣也彌尊其責大臣也彌重

兼官

此篇明官多而不冗之故

周官曰唐虞官百夏商官倍考之周禮六官之屬凡三百六十是周官又倍於夏商也按天官之屬六十有三地官七十有一春官七十有一夏官七十秋官六十有六凡三百五十有二冬官不預小宰言三百六十者舉大數也以多少相準一官不下四百人合長貳而言則六官幾三千人矣成周官更可謂繁冗然卿大夫士之職分爲六官之屬安知其不爲兼官耶且以三公言之君奭

禮經會元卷一兼官

六

曰召公爲保周公爲師則太傅不備矣顧命曰乃同召太保奭則太師太傅不備矣又有公兼冢宰者惟周公位冢宰是也有公兼司寇者太史司寇蘇公是也太保率西方諸侯畢公率東方諸侯又以公兼二伯也至如召太保奭芮伯彤伯畢公衛侯毛公此六卿之長也而以三公侯伯領之大而公卿必相兼攝則下而百司庶府獨不可兼攝乎按周禮言二卿則公一人是三老兼鄉老也一鄉則卿一人是六卿兼大夫也六軍將皆命卿是六卿又兼六軍之將也世婦每宮卿二人是六卿又兼六宮之職也世婦謂每宮二人則十有二人其六卿之長貳乎以此推之如地官鄉遂之官夏官司馬之屬必皆六卿之屬兼之六卿之屬雖各有名大抵

多兼攝也而況官屬有不可以專置者地官如迹人角人羽人掌  
炭掌茶等職只征一物秋官如庶氏冥氏穴氏荝族氏赤及氏等  
官只攻一事豈無可兼者乎有不可常置者田詛則有甸祝詛祝  
祭祀軍旅其仗禁囂則有伊耆氏銜枚氏喪紀則有職喪喪祝夏  
采豈無可攝者乎若夫地官比閭族黨鄰里都鄙等官並無府史  
胥徒春官大司樂大胥大師太卜太祝太史夏官太僕小臣祭儀  
戎右齊右道右大馭戎僕齊僕田僕馭夫秋官大行人小行人司  
儀等官亦無府史胥徒非上下相兼則他官相攝也惟夫相兼攝  
也則官制雖倍於古而其職不冗於古也蓋周人因事以置官  
周禮因官以存名居官而不兼其職則官冗兼官而不存其名則  
禮經會元卷一兼官

禮經會元卷一

兼官

七

官廢知周禮兼官之職又知周禮存官之名則可與言官制矣

相權

太宰之職首曰佐王均邦國又曰佐王治邦國則是太宰以佐王  
爲職也臣民之馭必曰詔王廢置之聽必曰詔王是太宰詔王而  
不敢自專也大事戒官曰贊王命王眠治朝曰贊王治是太宰贊  
王而不敢自用也夫宰相無所不統則亦無所不親今一則曰佐  
王二則曰詔王三則曰贊王又焉用彼相哉蓋大君猶宗子也大  
臣猶家相也孰非宗子之家事家相必稟命於宗子而後行孰非  
大君之邦彞大臣必稟命於大君而後行是以權自上出而廢置  
不敢干焉令由上出而聽斷若無與焉此古大臣所以無擅權之

失也然而權在一人固宰相不得擅權在大臣亦宰相不得辭古  
人任相待之以誠而不疑畀之以權而不忌宰相固聽命於一人  
百官實稟命於一相豈有元首叢脞股肱自惰者哉是故六典八  
法八則之治則太宰所得以自行者也九職九賦九貢之入則太  
宰所得以自裁者也九式節財不嫌其專制國用也九兩繫民不  
嫌其貳得民心也四方賓客之小治聽之而不以為猜三歲誅賞  
之大計行之而不以為僭若是則太宰皆得以自用其權也不特  
此爾小宰則以歲會贊冢宰宰夫則以官刑詔冢宰司會則以廢  
置詔冢宰御史則以治令贊冢宰會計官刑廢置治令一惟冢宰  
之是聽則宰相之權豈不重乎故觀冢宰之詔王贊王則知宰相

禮經會元卷一 相權

八

之權不至於太重觀百官之詔冢宰贊冢宰則知宰相之權不至  
於太輕

邦典

鄭氏曰典者常也經也法也大臣秉之以為常經五官守之以為  
常法五官不守其常法則邦典廢弛而無所執大臣不秉其常經  
則邦典渙散而無所稽今以六典觀之千萬世常經不易之灋邦  
國之治亂繫焉官府之修廢繫焉生民之休戚繫焉此非大臣之  
責而誰責然六典而謂之建邦何哉蓋國於天地必有與立先王  
所恃以立國者賴有此典存焉耳是以司徒之安邦國而曰掌建  
邦土地之圖宗伯之和邦國而曰掌建邦天地人之禮司馬之正

邦國而曰掌建邦之九灋司寇之刑邦國而曰掌建邦之六典不  
特此爾小宰掌建邦之官刑小司徒掌建邦之教灋小宗伯掌建  
邦之神位大司樂掌建國之學政太史掌建邦之典灋朝士掌建  
邦之朝灋無非先王所恃以立國者也太宰兼而總之以佐王治  
邦國小宰司會又掌其貳以逆其治司書又掌之以敘其財太史  
又掌之以逆其治司徒宗伯司馬司寇司空又從而分掌之此十  
條所以先六典而太宰所以統百官也 周人之治未及官府都  
鄙萬民而首言邦國以見王大一統而無王國侯國之分也蓋天  
子之所自治者王畿千里而已千里之外則建侯國焉太宰以六  
典而施之邦國是必總以九州而爲之建其牧如八命作牧是也

禮經卷元卷一

邦典

九

爵有五等而爲之立其監如啟監是也設其參謂三卿也傳其伍  
謂五大夫也陳其殷謂眾士也置其輔謂府史胥徒也一國則有  
一國之民一國則有一國之官內而王畿之官民既治之以六典  
外而侯國之官民其可舍六典以爲治乎是故太宰掌邦治以均  
邦國司徒掌邦教以安邦國宗伯掌邦禮以和邦國司馬掌邦政  
以平邦國司寇掌邦禁以刑邦國六官之職莫不於邦國致詳焉  
此太宰所以施典于邦國而曰以典待邦國之治也自六典而下  
則有官府之八法都鄙之八則侯國亦有官府都鄙則亦不能外  
是灋則以爲治矣大抵邦國者佐王治民者也六官者佐王治邦  
國者也向使先王不詳於邦國之治則膺五百里至百里之寄者

孰肯爲吾究心於民哉故周官曰六卿分職各率其屬以倡九牧  
阜成兆民正謂是也

官瀆此篇專釋太  
宰八瀆一條

外有邦國既有六典以待之內而官府必有八瀆以治之何謂官  
府官者合卿大夫士而言也府者總府史胥徒而言其大也先王  
設官分職建太宰大司徒等六卿以爲正立小宰小司徒以爲貳  
設宰夫卿師等官以爲攷陳上士中士下士以爲敷置府史胥徒  
之屬以爲輔凡此者皆所賴以佐王共治也 八瀆之目惟其有  
官屬則治有所統而不亂有官職則官有所守而不侵有官聯則  
關節脈絡有貫通而無扞格有官常則綱領條目有秩序而無舛

禮經會元卷一 官瀆

十

訛有官成則以之經理而有所依據有官瀆則以之聽治而有所  
操執有官刑則人知警戒而無慢心有官計則人知勉勵而無怠  
志小宰宰夫贊太宰故執其詳太宰乃執其要蓋以道揆之臣而  
執是瀆以臨于官府則邦治官治其有不就吾之條者乎 大抵  
官府修則百官庶府無曠官官府治則百揆萬幾無廢事周之治  
官府不一而足在宰夫則掌官府之召令在官正則比官府之次  
舍一財用也宰夫旣乘其出入詔冢宰而誅賞之太府則掌受其  
財職內則貳其入數職歲則貳其出數職幣則斂其幣餘周人之  
詳於官府如此又安有曠官廢事者乎是以小宰正歲以官刑命  
於百官府俾各脩職攷瀆待事聽命其有不恭國有大刑是有以

警之於其始月終則以敘受羣吏之要歲終則令羣吏致事是有以察之於其終太宰乃令百官府各正其治受其會詔王廢置於一歲之終既而大計羣吏之治復行誅賞於三歲之後如此則百官府以治中來上受而藏之真可與天府寶玉俱藏而無愧甯不謂之家宰佐王統百官之力與

都則此篇專釋太宰八則一條

太宰邦國官府之治既有六典八灋矣都鄙在六鄉六遂之外故又有八則以治之蓋都者王子弟之食邑公卿之采邑則猶灋也以八則觀之有社稷之神則有祭祀有長貳之官則有灋則有殷輔之吏則有廢置以升降之有賢能之士則有祿位以進退之

禮經會元卷一 都則

十一

有經費之用則有九賦九功之所入有居邑之民則有六俗五禮之所行刑慶誅賞以收其良心田獵征役以協其眾力八者曰馭謂其操縱闔關之權自上出也蓋近而羣臣既有八柄以馭之內而萬民又有八統以馭之豈於都鄙之官吏士民刑賞賦役而聽其長貳之自爲治乎是故都家司馬戒令則必聽於國司馬方士都家獄計則必上于國而聽于朝朝大夫掌都家之治國有政令則令其朝大夫無一不歸王之所馭也是故太宰既以八則待其治小宰司會太史又以八則逆其治實以八灋之治同掌焉蓋聖人之治天下大則家四海而無外小則體萬物而不遺吏吾同體也民吾同胞也豈以千里王畿之內遽有詳畧之別耶

馭臣

此篇專釋太宰八柄一條一篇以權字爲主

太宰既以八灋治官府又以八柄馭羣臣蓋八灋以治官者治之經也八柄以馭臣者治之權也以八柄觀之人情莫不欲貴任官而後爵之所以馭其貴則貴不可以苟得也人情莫不欲富位定而後祿之所以馭其富則富不得以苟取也一時之所覬望者者幸也吾則馭之以賜予之恩而使無僥倖之習平日之所踐履者行也吾則馭之以選置之任而使無妄行之人福者人之所自祈生之自我是福我所馭也人惡得而徼之乎貧者人之所惡奪之自我是貧我所馭也人惡得而避之乎罪之顯者則廢放以馭之使有罪者不得幸免也過之微者則誅責以馭之使有過者不

禮經會元卷一

馭臣

十一

敢以自文也 太宰既以詔王矣春官內史又掌八枋以詔王治而其爵祿廢置生殺予奪之序與太宰不同且又變誅而言殺者蓋太宰所詔則先慶而後威內史所詔則雜施而並用誅者責也如司救所謂誅責之義殺者戮也如司刺所謂刑殺之謂誅言其過之輕太宰之詔王以仁殺言其罪之重內史之詔王以義 既有道揆大臣詔之於外又有灋守近臣詔之於內外有以詔其馭內有以詔其治外則臨之以相內則律之以史則君上豈得以攬權自用而肆其意乎臣下豈得以竊權自尊而行其私乎

馭民

與民相從事於拘攣褊迫之中不若相周旋於含宏寬大之域使

民相顧盼於拘防繩束之內不若相優游於慈祥愷悌之天君當以舜之所以御民者御民此太宰所以有八統之詔也親親以教民相愛敬故以教民不偷進賢則德行者升使能則道藝者用庸者保之使其樂事勸功貴者尊之使其用下敬上達吏則拯窮拔滯禮賓則親仁善鄰凡此八者皆所以聯其民使不相離平其民使不相紊上以之維乎下下以之屬乎上後世馭民不由其道而後狙詐之論興德色褻鋤勿頸勢利而親故之馭失其統上書自驚投牒求舉而賢能之馭失其統烏盡弓藏免死狗烹而保庸之統失矣補闕車載拾遺斗量而尊貴之統失矣即舍父老白首不遷則達吏之統又失王國大夫宿衛不預則禮賓之統又失不思

禮經會元卷一

馭民

十三

太宰八統雖曰馭民而求其所以爲馭自親故賢能庸貴吏賓之外無他術有如都鄙羣臣八則八柄之用猶有馭之之語獨於萬民之統雖名爲馭實無與於馭焉則其待民之意亦厚矣豈若後世之所謂馭哉抑嘗因八統之馭而觀小司寇八辟之議有所謂親故賢能卽此親親敬故進賢使能也有所謂功貴勤賓卽此保庸尊貴達吏禮賓也小司寇之麗邦瀆附刑罰必以是八物而議其辟者蓋周人所恃以維乎下者卽此八物也周民所安以屬乎上者亦此八物也一旦有麗於瀆而於八者之中猶有一目之可議則罪猶可以原也向之馭民也以此所以導其從善之路今之貸民也以此所以開其改過之門觀小司寇八辟之議則知太宰

八統之詔矣

任民

先王不先制民之產授民之職使之有相生相養之具而徒以八  
統制馭之人心其有不離渙乎是故農者天下之本食者民生之  
命則不可無三農以生九穀園圃民之所樹藝則不可無園圃以  
疏草木山澤民之所取材用則不可無虞衡以作山澤之材藪以  
富得民則不可無數牧以阜蕃鳥獸工以足財用則不可無百工  
以飭庀八材懋遷有無化居則不可無商賈以阜通貨賄布帛女  
工之事則不可無嬪婦以化治絲枲疏材婢僕之職則不可無臣  
妾以聚斂疏材自農圃而下民力有所不給則又不可無閒民以

禮經會元卷一 任民

十四

轉移執事此太宰之任民有此九職也然而成周盛時天下之田  
皆井天下之人皆農上地爲上農夫中地爲中農夫下地爲下農  
夫民皆授田爲農可也今有園圃虞衡數牧工商嬪妾閒民之任  
果井牧之不均乎抑農末之不別乎 蓋民生天地閒皆爲天地  
閒用八職各任其事而力有不給必得閒民以佐之故大司徒頒  
十有二職九曰生財以入者之財待閒民而生也無閒民以轉移  
執事則民之用力勞而生財之道窮矣嘗觀遂師巡其稼穡而移  
用其民以救時事稼穡必移用其民以相救助則知八職不可無  
閒民以轉移執事也閭師亦曰任民使各以其物爲貢亦此意也  
故太宰九職曰任民閭師九貢亦曰任民亦未嘗強民以所無也

按民與地兩任  
之而兩稅之是  
謂重征民有力  
而貢之師田繇

役宜矣地有利  
而貢之任土貢  
賦宜矣將貢之  
地以斂此九賦  
乎而地塊然也  
亦不過責之九  
職之民耳然則  
九職之斂即九  
職之貢耳試求  
之天地兩言之  
中有此不近人  
情不通文理之  
經乎况此外應  
責之民與地者  
尤有軍賦之大  
端乎此雖口議  
王金陵而實未  
能明聖人之法  
以折服王金陵  
之餘裔也

職方氏曰制其職各以其所能制其貢各以其所有亦此意也至  
於閒民無職轉移執事亦必使之出一夫之稅而以布入之閒民  
無職者有二一在戰師出任民之賦一在閭師出任民之貢蓋閒  
民雖無常職而有生財之道亦不減於一夫之所獲故載師使之  
出夫家之征用其力也閭師使之出夫布斂其財也非是一人而  
出二物也 後世畧不加恤方且苛征而重役之是徒知有閭師  
任民之貢而不知太宰任民之職也

賦斂

九職之所貢者任民之稅也九賦之所斂者任地之稅也民有業  
則有貢地有利則有征民有業而不責之以貢則將不蓄不種不

禮經會元卷一

賦斂

五

耕不蠶而不能無游民地有利而不責之以賦則將有地不毛有  
田不耕而不能無曠土 今以九賦言之邦中之賦如載師所任  
田里場圃之地四郊之賦如載師任遠郊近郊之地亦使閭師征  
之所謂國中四郊以時征其賦是也邦甸家削之賦如載師所任  
公邑家邑之地邦縣邦都之賦如載師所任小都大都之地乃使  
縣師征之所謂邦鄙稍甸以時征野之賦貢是也關市之賦如司  
市關之地使廛人斂市布廛布皮角筋骨與夫司關所掌征廛關  
門之征是也山澤之賦如山虞澤虞之地使角人羽人斂齒角骨  
物羽翮於山澤之農以當邦賦是也幣餘之賦如職幣斂官府都  
鄙與夫凡用邦財者之幣振掌事者之餘財是也蓋穀粟之賦出

府庫爲某要  
充若歲充之  
那有許大府庫

名色不可巧立  
而名色又可糊  
塗牽混邪

於井田特以祿諸臣兵車之賦出於邛乘特以供軍賦雖有邦國  
之貢只以待吊用九職之貢只以充府庫至於國之大臣有祭祀  
賓客有喪荒羞服有工事幣帛有芻秣匪頒好用不調於民而責  
之誰乎是以九賦之目常與九貢九職並行而其貨賄之入則太  
府受而頒之內府藏而待之司會則令而會之其賦斂之目則掌  
於道揆之大臣名色詎至於巧立輕重詎至於過差出入詎至於  
相悖費用詎至於無藝乎

式廩

九式只均節  
二字盡之

或曰周禮理財之書今觀太宰以九賦斂財賄之後而繼之以九  
式均節財用未見其理財先見其節財則是周公之節財乃所以

禮經會元卷一 式廩

六

理財也 夫祭祀之有犧牲牲殺賓客之有牲牢饗餼喪紀凶荒  
之所費用膳羞衣服之所奉養器械與作之事幣帛贈勞之將六  
畜之有芻秣羣臣之有分賜一人之有玩好賜用取之於九賦而  
藏之於有司邦用則必其之君取則必受之苟無九式以均節之  
則何所制而不妄費也夫惟太宰有式廩以均節之而太府以式  
廩頒之司會以式廩逆計之職歲又以式廩而贊逆會職幣又以  
式廩而贊會事則人主不敢違式廩而妄用有司不敢違式廩而  
妄供九式之於理財亦可謂有助矣是故宰夫以式廩而掌祭祀  
之具酒正以式廩而授酒材掌皮以式廩頒皮革于百工委人以  
式廩供新芻木材不惟一人不得違式廩而妄費而百司庶府亦

不得越式瀆而妄求私心以式瀆而礙侈心以式瀆而消國用不  
置民財不屈而王府之貨賄自沛然而有餘豈非節財之道乃其  
所以爲理財之道與 太宰以九式節財必曰均小宰執九式以  
節財用司會掌九式以節財用皆曰均蓋均則中不均則或過不  
及以一人而臨四海不以四海而奉一人取之於民而公用之於  
君而當則財不傷而民不害斯其所以爲九式之瀆與且周官立  
瀆秩敘必曰均力政必曰均貢賦必曰均一制一度無所往而不  
爲均也太宰掌均邦國而曰秉國之均者也豈於財用而可不均  
乎均節者人情之所安苦節者人情之所厭安則久厭則易窮然  
則以均爲節其又聖人所以節財之道與

禮經會元卷一

式瀆

十七

### 侯貢

畿內租稅天子食之畿外租稅諸侯食之諸侯食其國之租稅必  
以其半若五之一四之一入於天子効其土地之所有而盡其巨  
子奉上之心於是有九貢之致矣然周公之制爲是貢必以供是  
用祀貢牲茅嬪貢絲枲器貢器械幣貢皮帛材貢木材貨貢金寶  
服貢玄纁旉貢羽毛物貢土地所有之物無非服食器用之是供  
也以庶邦惟正之供而待一人所致之用上以充公家之財下以  
修侯國之職故太府掌九貢貨賄之入而曰凡邦國之用以待吊  
用內府掌九貢之貨賄良兵良器而曰以待邦之大用曰待吊用  
曰待邦用莫不取具於此蓋自夏禹任土作貢以來冀州畿內不

言貢而言賦八州在王畿之外故於田賦之下而有貢篚之制焉  
有菁茅橘柚之包有大龜磬錯之錫有織文縷絲絺紵玄纁瓊組  
之篚有球琳琅玕丹漆羽毛牼幹磬磬之貢是皆以供祀嬪器幣  
材貨物色之需也豈強侯國之入耶考之職方氏揚之金錫竹箭  
荆之丹銀齒革青兗之蒲魚雍之玉石幽之魚鹽冀之松柏并之  
布帛各隨土地所生風氣所宜任土作貢而大行人則曰侯服貢  
祀物甸服貢嬪物男貢器物采貢服物衛貢材物要貢貨物六服  
分貢六色而已是豈任其所有耶外之蕃國則以所賈爲贄所謂  
幣貢旂貢物貢又將誰供耶蓋周禮之言致貢亦禹貢之任土作  
貢也任者任其所有而不強其所無致者聽其自至而不強其不

禮經會元卷一 侯貢

十六

來太宰則曰九貢致邦國之用司會則亦曰九貢致邦國之財用  
職方氏曰凡邦國制其職各以其所能制其貢各以其所有山師  
川師以山林川澤之物頒於邦國則曰致其珍異之物懷方氏來  
遠方四夷之民則曰致方貢致遠物無非聽其自至也 周之衰  
此意不存求金求車是以不復有致用之意求賄求賻是不復  
有吊用之常甚至包茅不入王祭不供齊人得以奉辭而伐罪男  
服使從公侯之貢鄭人得以藉口而告晉則是貢瀆至此而不存  
嗚呼內而侯國職且廢矣外而蕃國况能必其來貢如蕭慎之矢  
越裳之雉有以自獻於天子者哉

繫民

此篇專釋太宰九兩一條外之  
有九兩猶內之有九職八統也

太宰有九職以任民有八統以馭民又有九兩繫民何也蓋王畿千里之民天子治之畿外之民則分屬諸侯矣有分土無分民上之人苟無其道以協耦而聯綴之則天下人心渙散而不相屬矣殆非王者大一統之意故九兩之所繫者邦國之民而特繼之於九貢致用之後也一州之長曰牧皆有封域故以地得民一國之君曰長爵位尊貴故以貴得民師者人之模範德義可尊故以賢得民儒者於道最高人所尊敬故以道得民宗者本支之所從出親親以睦故以族得民主謂卿大夫食采邑者有利可依故以利得民吏謂在官服公事者分職其理故以治得民友謂與國人交相保任者故以任得民藪謂阜蕃畜牧供給財用者故以富得民

禮經會元卷一

繫民

十九

此九者既謂之兩又謂之繫而後謂之得民蓋兩者欲其比耦而不相悖繫者欲其聯絡而不相離曰牧曰長曰主曰吏四者是使在官者之相爲聯屬也曰師曰儒曰宗曰友曰藪五者是使在民者之自爲聯屬也太宰則任之以九職馭之以八統司徒復從而聯其兄弟聯其師儒聯其朋友其所以繫王畿之民亦出乎九兩之具豈於邦國之民而可置之度外哉抑嘗以太宰繫民之九兩參之以司徒安萬民之六俗而皆以師儒行乎其中誠以九兩無師儒之繫則無以淑人心六俗無師儒之聯則無以厚民俗師者所以宗主名教者也儒者所以扶持名教者也師道不立則天下無善人儒道不立則天下無正學雖有土地富貴治利族任

何所恃以相繫雖有宮室墳墓兄弟朋友何所恃以相聯甚矣天下不可一日無師儒之功也

正朔

此篇專辨周禮正月爲夏正與鄭康成之說不同然畢竟鄭注爲是故本文全刪

張翠屏曰子丑寅三陽之月也故三代迭用之以爲春非若建亥純陰之月之不可以爲春也若夫人事之紀則當以夏時之春爲正農事之耕耘收藏田正之蒐苗獮狩祭典之祠禴烝嘗皆不能不以夏時故正月正歲二者參差不齊夫子所以欲從夏時

象灋

此篇釋太宰觀象一節

正歲爲周之歲首正月爲夏之正月則官民觀灋之敘自有先後而不相悖矣古人必改歲易朔者示其新也正歲更始則物欲其

禮經會元卷一 正朔

三

新政欲其新人才吏治欲其新如訓方氏正歲布而訓四方使觀新物之意也是以太宰有治象司徒有教象司馬有政象司寇有刑象爲之貳者乃以正歲各率其屬以觀其治且徇之以木鐸而警之以不用灋之大刑蓋不戒視成謂之暴慢令致期謂之賊施於民且不可況於官吏乎周人歲終必使羣吏致其事正其會將欲責之於其終則不得不警之於其始也正月之吉以治教政刑之象布之於邦國使以和邦國之民布之於都鄙使以和都鄙之民則垂於象魏而使萬民來觀焉示之以十日之久欲其觀德之詳收之於十日之後恐其習讀之玩先王明民之意可謂纖悉委曲矣至於司徒之屬以教民爲職故其讀灋尤詳蓋教民之灋不

詳則治與政刑之象未必入民之耳目六卿教民雖曰教灋而治與政刑實存乎其間且以卿大夫攷之正月之吉授教灋于司徒退而頒于鄉吏使各以教其所治正歲乃令羣吏考灋于司徒以退各憲之于其所治之國六卿固受灋于司徒者也然鄉大夫以六卿爲之則治與政刑之灋豈不與教灋並施乎或者則曰鄉大夫以正月頒灋以教其所治以正歲攷灋以憲其所治亦云足矣州長乃以正月及正歲與夫春秋祭社之時屬民讀灋則是二千五百家之民每歲四番讀灋矣黨正又以四孟及正歲與夫春秋祭禴之時屬民讀灋則是五百家之民每歲七番讀灋矣族師又以每月吉日及春秋祭酺之時讀灋則是百家之民每歲十四番讀灋矣閭胥以歲時及春秋聚眾庶之時讀灋則是二十五家之民每歲又不知幾番讀灋矣六鄉讀灋何其繁且數乎蓋視民彌親者亦於教亦彌數保民無疆者於教亦無窮

考課

此篇因大宰末節言廢置誅賞因推周人考課之灋

考課之灋自唐虞以來未之能廢也書曰敷奏以言明試以功車服以庸此因羣后來朝之時而考之也又曰敷納以言明庶以功車服以庸此因黎獻時舉而考之也旣而立爲三載考績三考黜陟幽明之定灋其視敷言明功之灋爲尤詳蓋明其功於一時者未足以究其蘊考其績於三載者斯足以盡其才然三載特考之而黜陟未行焉遲遲以九年之久賢否旣判功罪旣明於是幽者

黜之明者陟之廢置之瀆行矣是以前黜陟而去四凶天下至於  
咸服後黜陟而分三苗庶績至於咸熙然考績於三年黜陟以三  
考在唐虞之瀆爲甚寬今觀周之太宰歲終則令百官府各正其  
治受其會聽其致事而詔其廢置三歲則大計羣吏之治而誅賞  
之廢置以歲終誅賞以三歲在成周之瀆爲甚密蓋唐虞官簡而  
事亦簡則考之之瀆固宜寬成周官繁而事亦繁則考之之瀆固  
宜密此其所以不同與然致事於歲終者考百官也而其瀆似密  
計治於三歲者考羣吏也而其瀆似寬 三年大計太宰計治誅  
賞司書計治知財數司士稽士仕而進退其爵祿三年大比小司  
徒受比要鄉大夫興賢能州長考州里縣司考羣吏遂大夫明其

禮經會元卷一

考課

三

功均人大均司民獻數此皆考之以三歲也蓋周人之瀆有所謂  
待其治者如太宰宰夫太府內府外府之屬是也待者預定於始  
而責驗於終使之有所遵守而知自勉也有所謂逆其治者如小  
宰司會司書職內職歲職幣太史內史之屬是也逆者詳稽其終  
而鈎考其始使之無所隱匿而知自警也有以待之於其先又有  
以逆之於其後大臣以之計羣吏之治天子以之察羣吏之治有  
功必賞有罪必誅吏治其有不舉者乎此成周之嚴於考課者然  
也然成周考之之瀆可得聞與嘗觀小宰以聽官府之六計弊羣  
吏之治則知成周之所以考課者無出於六者焉善言其有德行  
也能言其有才藝也敬以不懈爲心正以直躬自守瀆則守瀆不

失辨則臨事不疑吏以德行循良爲上而才能次之敬與正察其  
立身行己也灋與辨觀其蒞位行法也六者吏治之所從出也而  
皆以廉爲本蓋廉者有天理而無人欲也六者非廉不能漢人取  
士曰興廉調吏曰廉察亦此意也周人以此六者小宰計弊羣吏  
之治則其要會之上無非治道之得其中者以之登於天府與祖  
廟大物俱藏焉信乎可以無愧矣

### 宮刑

小宰之職首曰建邦之宮刑以治王宮之政令凡宮之糾禁又曰  
正歲帥屬觀治象之灋乃退以宮刑憲禁于王宮蓋天子之政令  
天下之風教未有不自王宮始侍御僕從一有不正出入起居一

禮經會元卷一宮刑

三

有不欽皆足以害治雖曰百司庶府之任而周人每於此致察焉  
大宰以八法治官府以八柄詔王馭羣臣歲終則致事廢置三歲  
則計治誅賞然而道揆大臣如總其要而執其柄爾彼宰夫則惟  
警戒之而已宮正亦惟令其去守而已宮伯亦惟令其作宮眾而  
已不有小宰治之以宮刑憲之以宮刑使之各脩乃職攷乃法待  
乃事以聽王命制之以不共之大刑又徇之以不用之常刑吾恐  
奇衰之習作淫怠之念萌未必有良能之可知未必有德行之可  
糾居王所者皆若而人則君德必潛消於密勿之中而吏習必妄  
肆於禁嚴之內誰與繩愆糾謬而格其非心也哉 湯制官刑儆  
于有位三風十愆之戒必及乎宮室之隱微自邦君卿士臣下以

及于童蒙之士凜乎其嚴若喪亡之在朝夕至於臣下不止則曰服墨刑伊尹乃繼之曰嗣王祇厥身敬哉蓋官刑雖以爲有位之儆而實有以起君心之敬宮刑雖以爲王宮之禁而實自以格君心之非然則宮刑之掌于小宰宮刑之脩廢其君心敬怠之所由判君德隆替之所由基也故知商之官刑則知周之宮刑

官敘

此篇釋小宰六敘一條見敘之重

小宰奉太宰八法以治官府足矣而別立六敘之目以冠其首則六敘視官屬官聯爲重矣考之宰夫八職七曰胥掌官敘以治敘以徒役之有才智而掌官敘又不幾於褻乎蓋小宰所掌者正羣吏也宰夫以胥治之者召令之時也有小宰以正之而胥特承其

命而召之耳

小宰月終則以官府之敘受羣吏之要是以敘受

禮經會元卷一 官敘

三

其會也宰夫掌治朝之法則敘羣吏之治是以敘進其治也宮伯掌王宮之衛則行其秩敘鄉師則令作秩敘里宰則行其秩敘以待政令是以敘制其食也遂師則比敘其事而賞罰內史則掌敘事之法是以敘作其事也小史則以書敘昭穆之俎簋巾車則辨其物而等敘之小司寇則掌外朝之政以敘進而問焉是以敘正其位也司書則敘其財受其幣職內則敘其財以待邦之移用職歲則凡賜予以敘受之司市則以次敘分地而經市大司馬則以敘和出馮相則辨四時之敘先王設官分職事事皆有其敘豈特羣臣遷轉之地耶故以敘正其位則尊卑不得以相踰以敘進其

治則功過不得以相混以敘作其事則小專而大從可也以敘制其食則貴豐而賤殺可也以敘受其會則日月歲旬之要有考也以敘聽其情則親故賢能之辟可議也不然則尊卑之制不立而冒上亡等之習啟吾恐功臣擊柱者有之武夫背闕者有之而正位之敘廢矣功過之狀不明而僥倖希進之念生吾恐一歲超遷至中大夫者有之旬月取宰相封侯者有之而進治之敘廢矣作事之敘廢而九卿更進用事不關宰相矣制食之敘廢而小臣賜賞累百鉅萬矣計簿至於具文懇田至於失實而受會之敘又廢聽訟而上下其手治獄則輕重其心而聽情之敘俱廢若是則朝廷無節官屬安得而舉官職安得而辨官聯安得而合官成官計

禮經會元卷一 官敘

三五

又安得而施哉小宰佐太宰以治官府豈可不以六敘爲首

官屬

此篇釋小宰六屬一條言大事小事當分別

太宰以八法治官府而以官屬居其首六官不啻三百六十屬此舉大數言之加之以天地四時之名而授之以治敘禮政刑事之掌官各有職事各有聯而曰大事從其長小事則專達何也事之小者非六官之所能徧理則不可以無屬事之大者非百官之所得專任則不可以無長大臣而理小事則常以多事自弊而失其大體小臣而專大事則每以侵官自任而據其大權此小宰之六屬所以有小事大事之分而後六職可以辨六聯可以合今以周禮考之大祭祀大賓客大軍旅大田役六卿之長職之也而小宰

小宗伯小司徒小司馬小司寇爲六卿之貳則特掌其小者焉是其設官分職之時已有小大之分矣不惟六官之貳爲然也百官聽乎六卿亦不惟六卿爲然也若小臣則凡大事佐大業若都家則凡大事必因朝大夫是又各從其屬之長也蓋宮正爲宮官之長膳夫爲食官之長醫師爲醫官之長酒正爲酒官之長太府爲財官之長內宰爲內官之長凡三百六十屬各有長則其屬從之亦是也且如膳夫一官有烹人庖人內饗外饗等職皆屬也而飲膳之事豈必日稟於太宰司市一官有質人廛人胥師賈師等職皆屬也而貨賄之事豈必日稟於司徒是以官長則治其大者官屬得行其小者大則不嫌於從屬而小抑何嫌於專達也哉

禮經會元卷一官屬

三

官

此篇釋小宰六聯一條

太宰以官聯會官治舉其要也小宰以六聯合邦治分其詳也夫所謂聯者太宰小宰宰夫之職正貳之聯也宮正宮伯宮衛之聯膳夫庖人膳羞之聯醫師至獸醫醫官之聯酒正至鹽人飲食之聯太府而下財官之聯內宰而下宮政之聯此治官之聯也教官有教之聯禮官有禮之聯政官有政之聯刑官有刑之聯人皆知其分職率屬之爲官聯也至於聯事合治有非其官之屬而實相聯者焉且以祭祀言之宗伯而下鬱鬯尊彝典祀等職皆聯事也而太宰祭祀則贊玉幣司徒奉牛牲司馬奉魚牲司寇奉犬注此非他官之合聯乎又以賓客言之行人而下司儀行人環人掌客

等職皆聯事也而太宰朝會則贊玉幣宰夫掌牢禮司徒修委積  
封人餼牛牲此非他官之合聯乎太宰贊舍鄉師治役司徒荒政  
遺人委積此喪荒之聯事也司馬治軍司徒致民小宰掌具縣師  
受灋此軍旅之聯事也司馬教陳鄉師帥民司徒舉旗虞人萊野  
此田役之聯事也閭師征賦太府受財司徒施征司馬制賦此斂  
弛之聯事也六官聯事不一而足以至小事莫不有聯典記春官  
而得以征役於秋官之司隸鼓人地官而得以詔鼓於夏官之太  
僕秋官掌戮而得預天官甸師之殺秋官蠻隸而得執夏官校人  
之役鄉師地官而攷辟于司空稍人地官而聽政于司馬有同寅  
協蒸而無畔官離次有聯事合治而無分明植黨成周之官所以

禮經會元卷一

官聯

毛

內外相統小大相維而無曠官者六聯爲有助焉是故分其職而  
率其屬則事權若分而不相混合其聯而會其治則事權若合而  
不相離此官治之所以會而邦治之所以合也雖然周人聯事之  
意不特見於官然也其在鄉也則比閭族黨州縣之有聯其在遂  
也則鄰里鄼鄙縣都之有聯司徒之安民則曰聯兄弟聯師儒聯  
朋友族師之登民則十人爲聯十家爲聯八閭爲聯至於司關之  
官亦掌國貨之節以聯門市是無往而不爲聯也綱舉而目張領  
挈而裘整此太宰所以言官治而小宰所以言邦治與

官成

此篇釋小宰  
八成一條

太宰以官成經邦治又以官成待萬民之治宰夫則曰師掌官成

以治凡太司寇則曰凡庶民之獄訟以邦成弊之鄭司農以八成若今之決事比賈公彥以八成若今之斷事律是聽斷之不可無官成也謂之成者蓋言其一成而不可易謂之經者蓋言其治有常而不可紊然此皆簿書之要爾聖人於簿書之煩惟恐防姦之不密其待民不既薄乎誠以民聚必有事事起必有爭聖人起教於微眇而憂患於未然是以有書以載其法有法以待其事事來而應之以法訟起而正之以書猶決事之不可無比斷事之不可無律也天下豈有不決之訟而猶有不經之民哉易曰上古結繩而治後世聖人易之以書契百官以治萬民以察蓋取諸夬其官成之謂與抑嘗觀士師之職有曰掌士之八成鄭司農亦曰若今

禮經會元卷一 官成

三

時決事比按士師八成曰邦汙邦賊邦諜犯邦令擣邦令爲邦盜爲邦朋爲邦誣而已初無簿書之要而亦謂之成鄭氏皆以爲決事比之類蓋成者取其行事之成者以爲品式也聽斷而不稽成事以爲法則舞文弄法者有之誣上行私者有之求以防姦而適以爲姦也然則士師不可無士之八成猶小宰不可無官府之八成此鄭氏所以均謂之若漢之決事比與

朝儀

此篇因宰夫掌治朝之法故詳考三朝之制

周有三朝一曰燕朝在路門之內王國宗人嘉事之朝也太僕小臣掌焉一曰治朝在路門之外王日聽治之朝也宰夫司士掌焉一曰外朝在庫門之外詢萬民聽政之朝也小司寇朝士掌焉

外朝之位左孤卿大夫羣士在其後右公侯伯子男羣吏在其後面三公州長眾庶在其後此朝士所掌之朝法也及致萬民而詢之則小司寇掌其政王位南嚮三公及州長百姓北面羣臣西面羣吏東面其位亦如朝士之儀其建朝也左嘉石以平罷民右肺石以達窮民職聽國郊野都獄訟者必聽於此兩造東矢兩劑鈞金者必入於此凡得獲貨賄八民六畜者必委於此雖有師屬鞭呼趨辟之儀有慢朝錯立族談之禁其儀非不肅也而卿大夫以大詢之時帥六鄉之眾庶而致於朝百姓眾庶得與公卿侯伯羣士羣吏相先後於階阼之間則其政誠爲平易近民矣治朝之位王南嚮三公北面孤東面卿大夫西面王族故士虎士在路門右

禮經會元卷一朝儀

五

太僕太右太僕從者在路門左此司土所正之朝儀也及掌敘羣吏之治則宰夫掌其法以正王及三公六卿大夫羣吏之位而察其不如儀其眡朝也太僕則前正位師氏則司王朝冢宰則贊聽治雖有虎賁士族之衛有僕御右從之位其儀非不嚴也而太僕掌建路鼓于大寢門外以待達窮者與遽令聞鼓聲則速逆御僕與御席子而受其事以聞又况宰夫掌庶民之逆得與賓客之治諸臣之復同徹於冕旒之前則其地又未嘗以禁嚴爲阻矣至於燕朝之法雖在太僕只曰視王燕朝則正位掌擯相而已然曰王眡朝則前正位而退八亦如之是正燕朝亦如正治也小臣正王之燕位御僕掌王之燕令此皆燕朝之臣其儀亦非不重也而諸

侯之復逆則掌於太僕三公孤卿之復逆則掌於小臣羣吏之逆  
庶民之復逆則又掌於御僕復者下之報於上逆者下之迎於上皆  
上書報奏之名庶民之復得與諸侯公卿羣吏之復逆又皆聞達  
於燕處之時則其地亦未嘗以邃深而爲閒隔矣觀外朝之政而  
及萬民之詢治朝之治而及萬民之逆燕朝之令而及庶民之復  
則知成周盛時戶庭無壅其疏通洞達何如哉又况肺石之達窮  
民必以立于外朝之右路鼓之達窮者必以建於寢門之外君門  
萬里而窮者猶得以自達況臣民乎然而三朝分掌外朝雖掌於  
秋官之屬而三公孤卿皆在焉則是太宰與聞外朝之政矣治朝  
之法雖曰司土正之屬於夏官而宰夫掌其禁令是爲天官之屬

禮經會元卷一朝儀

享

王眡治朝冢宰贊之則是太宰與聞治朝之事矣燕朝之臣亦夏  
官之屬也然而所掌羣臣之復逆實與宰夫所掌相關焉而況太  
僕雖正燕朝之位而建鼓則在路門外在朝則在路門左王眡治  
朝則前正位王不視朝則辭於三公及孤卿是燕朝之臣實與治  
朝相通則太宰亦與聞乎燕朝之政矣以此見周人之治宮中府  
中實爲一體而無內外之分也



